

# INUIT ATAQATIGIIT

INATSISARTUNI



UKA 2013/37

10. oktober 2013

AH

**2014-mi atuutilersussamik Kangaatsiamiit Qaanaaq angullugu upernaakkut appanniarsinnaaneq 01. september-imiit - 29. februar-imut atuuttup, ukiukkut si-kuusarnera pillugu tamakkiisumik malitsinnejarnissaanngitsup naleqqussarnissaa pillugu upernaakkut appanik piniarsinnaanerup maajip qeqqata tungaanut sivitsorneqarnissaanik, Naalakkersuisut sulissuteqaqqullugit Inatsisartut aalajangiiffigisassaattut siunnersuut.**

(Inatsisartunut ilaasortat Gerhardt Petersen aamma Siverth K. Heilmann, Atassut)

Nunatsinni appat ukiuni 10-ni eqqissisimatinnejarnissaanik siunnersuineq nalerorlugu Atassutikkut appanniartarnerup sivittuiffigineqarnissa siunnersuutigaat. Apeqqut ilungersunartoq oqallisigineqarnissaali pisariaqatoq pillugu Atassutikkut oqaluuserisassamik qaqitsimmata qutsavigaagut.

Nunap immallu pissarititaanik nerisaqarnitsinni piniagassat tikeraerneranni nutaartugassaqartarneq nerisatta allangorarnissaat eqqarsaatigalugu uagutsinnut pingaaruteqartorujussuuvoq. Kulturitsinnut ilaalluinnnartumik upernaaq aasarlu asimi aallaarsimarnermi kalaaliminerik avatitsinniittunik nerineq nuannaralugu ileqqoraarpuit pingitsorsinnaanngisarput annajumanngisarpullu. Nalliuuttut nalaanni soorlu juullikkunni appat nerilluaatiginissaat pingitsoorsinnaanngisatta ilagaat.

Taamaammat pissutsit maanga killinneranni minnerpaamik pisinnaatitaaffigisariaqarparput asimi nutaartugassanik nerisassarsiorsinnaaneq nalliuottorsiuteqarsinnaanerlu appat aamma eqqarsaatigalugit.

Tupinnanngittumik siunnersuut Naalakkersuisut itigartinneqassasoq inassutigaat paasissutissat Pinngortitaleriffimmiit pisimasatik aallaavigalugit.

Pingortitaleriffiup paasissutissiissutigaa nunatsinni appat ineqarfiini amerlanerpaani appaqassuseq eqqarsatigalugu pissutist aarlerinartumik ingerlasut, allaat appaqarfiiit tallimat appaarutivissimallutik. Appaqarfinni 19-usuni appaqarfiiit 13-nit appat ikiliartortut oqaatigineqarluni. Oqariartuutigineqarpoq 2001-mi nalunaarutitigut sukaterisoqarluartoq tamanna siunertarineqartumut iluaqutaasumik kinguneqarsimangitsoq.

Taamamat kissatiginarpoq appat ikiliartorunnaarnissaat siunertaralugu susassaqartut akornanni suleqatigiilluni periusissamik nassaarniartoqartariaqartoq. Innuttaasut sunngiffimmi inuutissarsiutigalugulu appanniartartut, Kattuffiit peqatigiiffillu piumaffigineqartariaqarput isigisatik maluginiakkatillu malillugit ileqqussanik pissaasunik nassaarniaqataaqquullugit.

Taamatut oqaaseqarlunga inassutigissavara pineqartoq Aalisarnermut, Piniarnermut, Nunalerinermullu ataatsimiititaliami suliarineqassasoq.

